

3. oktober

Uunga siunnersuut: Eqqumiitsuliornermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq (Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Siumut siuttooqataatillugu eqqumiitsuliornerup silarsuaani inatsisitigut siuarsaajuarnissaq kultoorikkullu suliaqartunut periarfissanik pitsanngorsaannissaq suleqataaffiguassuarput. Soorluttaaq ukiut siuliinni Naalakkersuisooqatigiit kultoorikkut siuarsaqaataaniarlutik periarfissanik iliuuseqartartut.

Siunnersuut maanna saqqummiunneqartoq, Inatsisartut 2018-mi ukiakkut ataatsimiinneranni naalakkersuisut saqqummiusseqqullugit peqquneqarput tassalu eqqumiitsuliornermut aningaasaliissutinik tamanik agguaassinermi politikkimut attuumassuteqannginnissaa anguniarneqarpoq. Siunnersuut tamanna Siumumiik ataatsimiititaliamut ingerlateqqinnikuuarput siunissami eqqumiitsuliornermut aningaasaliissutit naalakkersuinikkut attuumassutaarunnissaat siunertaralugu.

Taamaattumik Siumumiik nuannaarutigaarput, Inatsisartut 2019 ukiakkut ataatsimiinneranni inatsimmut atuuttumut allannguutissatut siunnersuummik saqqummiussimmata, taamaalilluni eqqumiitsulianut tamanut aningaasanik agguaassinerni politikerit akuliutinnginnissaat siunertaralugu eqqumiitsuliortunut aningaasaateqarfimmik pilersitsisinnaaneq anguneqarsinnaalersillugu.

Taamatut inatsisissamik saqqummiussinerup kingunerissuaa aningaasaateqarfik aningaasaliissutit saniatigut namminneerlutik avataani aningaasassarsiorsinnaalernissaat.

Siumumiik taamatut oqaaseqarluta Naalakkersuisut saqqummiussaata akuersaarlugi ataatsimiititaliamut susassaqtumut ingerlateqqipparput.

Doris J. Jensen